

酸來酸去落氣代 真心呵佬才應該

(故事開始，春風提著行李先對舞台一片進場，而且若唱歌~~妖嬌佇另外一片帶著大金牌準備進場)

春風：嘿~~你若來嘉義，請你斟酌看，北門坐火車，也有雞肉飯好食！

東菜市、牛肉湯，食了笑微微(歡喜的進場，用“來去台東”的曲來唱，頓蹬一下)厚~~這改為著欲參加一年一度的答喙鼓比賽，我特別提早一禮拜就來到嘉義，嘉義喔~~真正足好 迫退咧！

(妖嬌從舞台另外一片上臺)

妖嬌：啦啦~~愛觸才會贏！啦啦~~誰人倘甲我拼！啦啦~你問我叫蝦米名？啦啦~~叫我第一名！(妖嬌表現足陶醉的款，春風在邊仔看了，感覺足奇怪！)

春風：咦~~若个人敢毋是恰我同鄉的妖嬌嗎？那會提一塊金金的物件，歡喜佇咧唱歌

(慢慢行倚妖嬌)喂~~~

妖嬌：(看著春風，感覺真歡喜！)喂~~春風，你那會佇遮？

春風：我喔！(頓蹬一下)我是欲來遮參加答喙鼓比賽啊！

妖嬌：你是講~~答喙鼓比賽嗎？

春風：是啊！是啊！(春風邊點頭)

妖嬌：早就已經比煞矣咧！(頓蹬)而且我著第一名喔！你看~~(提出胸

前大大的金牌)

春風：啥貨？(無法度相信的款)已經比煞矣？若有可能！明明就閣有足濟工！(把7號日期提出來)無~~你看！！

妖嬌：(想欲笑閣不敢笑的感覺)的~~春風耶！其實你把日期多記一撇矣啦！(將7號日期改過來)是1號，毋是7號啦！

春風：啥~~你講啥???(表現出想要暈倒的款)厚~~甲我扶一下~我的天欲烏一片矣啦！

妖嬌：唉唷！細膩啦！你欲坐一下否？(春風若被扶起來，若無敢願)歇睏一下啦！

春風：哼~~無要緊啦！其實(頓蹬一下)我嘛毋是足恰意這種比賽，著名嘛袂使做飯食，像你遐大塊的金牌，是欲創啥？(表現出看袂上目的款)

妖嬌：敢按呢？你拄才毋是足敢苦的？(春風假做鎮定的款)

春風：哪有~~你目喺花去矣啦？(一直掰手否認，閣頓蹬一下)是講，這個比賽應該無幾隻貓仔來比吧？無~~像你按呢，哪有可能著第一名？評判老師就無咧行毋知路閣！無法度揀一个蘋果(指著家己)，啊毋免揀一粒龍眼來鬥人數！(表現出看袂上目的款，看著妖嬌)

妖嬌：春風哥啊！(小可仔受氣的款)你那會使~~家己面無肉，怨嘆人

大尻川？

春風：按呢？我講的敢有毋著？本來就是銅鑼較拍銅鑼聲，後母較好
後母名，若毋是評判老師目睷花去，看無目地，就是你出門的
時，有去踏著狗屎啦！（倒匱正削）

妖嬌：喂~你講話那會遮爾酸？我是足拍拼的咧！不信~你考我看欲！
任考不倒！

春風：啊好~~這是妳講的喔！連鞭若漏氣，莫講我毋提醒你！聽我考
來！坐計程車無付錢，臆一个神明！（足驕傲地看著妖嬌）

妖嬌：這~~簡單！囡仔人的守護神 — 李哪吒！

春風：你那會知？（感覺足疑問的款）

妖嬌：因為坐車無付錢，司機絕對會共講“你~~下~~車！”，所以我
知影矣！

春風：啊好~~算你慳，閣一題——三國時代有一位大將叫做“班超”，
他養的馬叫做啥物？

妖嬌：這~~~這~~

春風：哈哈~~袂曉矣喔！外慳!!

妖嬌：班超的馬叫做『斑馬』啦，因為他啊！要對主人姓！（表現著足
有自信）

春風：你~~你~（感覺快要氣死矣！）聽呼好！刺著會流血叫做啥物燈？

妖嬌：鐵釘！

春風：會使食的叫做什麼燈？

妖嬌：柳丁！

春風：民族英雄又閣是啥物燈？

妖嬌：廖~~添~~丁！！(講的同時，外加一个擺手！)

春風：你~~你~~(表現出氣到噴血的款，在邊仔假裝噴血！)

妖嬌：這位逆桑，你是演煞矣未？(看著春風，然後準備撲起來，頓蹬一下)來啦！聽我講一下，好無？

春風：你想欲講啥？想欲佇我面前展威風喔！

妖嬌：你感覺我敢是彼款人？(春風頓頭！然後妖嬌接著講話)無禮貌！

春風：好啦！你繼續講~~

妖嬌：聽好喔！(準備用樂器，拍節奏唸謠)人生在世無幾年，起起落落免失志，酸來酸去又何必，看人成功心欣羨，真心呵佬在眼前，準備若好候時機，後回威風就換你！

春風：講了傷深！聽毋啦！

妖嬌：唉~~~拄才講的，其實就是欲乎你知影，人生在世短短數十年，有時像你袂記來比賽，像我提著第一名，這~~攞是過程！

春風：過程？？

妖嬌：是啊！無一個人無愛成功，毋閣~~若是看對別人好，就目孔赤！

講一寡拍納涼的話來鬪洗，想欲呼家己較好過，事實上，敢有較好過？

春風：無咧！其實，我佇遮咧講的時，心內嘛艱苦艱苦呢‘！

妖嬌：按呢就著矣！看著別人表現好，若是會使呼他真心鼓勵佢呵佬，對別人身軀頂學習家己無的優點！家己，嘛會愈來愈進步，按呢敢毋好？

春風：嗯~~~(小可仔了解的感覺)你講的無毋著！(頓蹬一下，妖嬌也在邊仔頓頭認同)

妖嬌：是啊！(頓蹬一下)盡心～表現～展人才～(用“狀元調”去唱)

春風：酸來～酸去～落氣代～

妖嬌：真心～呵佬～才應該～

春風：社會～平順～又和諧！

春風、妖嬌：社會～平順～又和諧！

妖嬌：妖嬌的

春風：春風的

妖嬌、春風：落臺行禮！